

Argitaraberri dugu Orixe'k euskaraturiko "Agustin Leunaren Aitorkizunak". Liburu bikaña! Ohore bearrik ez du gure euskeraren idazle gaitailen dugun Orixe ospetsuak. Bera dugu nagusi ta gidari, euskera-lantze ontan. Bere ikurra darabagu egunero euskal-idazleok. "Aitorkizunak" irakurgai onek 462 orrialde ditu. Itzaurrez "Aturia'ko ta Akiza'ko botzai txit agurgarri Clement matnieu Yaunari" zuzenduriko idazkitxo bat dakar. Azken atalburuaren ondoren "iztegitxo" bat erabili itzak erderaturik. Iritz-epaia? Ezin eman irakurri gabe; gainera onen bearri ere eztu. Orixe'na duzu. Espaturik dago. Garrantzi aundiko liburua dugu euskera-mailan, Orixe' bearrik idazki ortan dakarrenez: "Bestetik ez bada ere, ezin esan, S. Agustiñek, euskerari on aundia eginen ez dionek. Gaurkotik au gelditu diteke, Biblia leku, euskal-libururik bikañena".

Euskal-idazleok darabilgun ondorio aundiko akats bat ager nai nuke emen. Ara bi gertakizun:

Arantzazuko teologilari batzuen artean "glorias de maria" euskeratzen ari ginañan aspaldianik. Amaitze ari gera oraintxe. Orain bi illa ete edo jakin gengan beste apaiz bat ere ari ortantxe ari zala. Au joakerea! Itxoiten eon ginañan ia zer gerta... azkenin -gu arraragotuak gendela-ta- berak ginduako dana gauri eman zigun.

Zer derizkiozute! Milla idazle baina ere!

San Inazio'ren bizitzakin ere berdin gerta omen da. Iru bizitz batera euskerazten!

Sail ontan agertu ditzagun dakizkigun lanen bearri. Berez dager onen bearra.

mesede bat. Aldizkari au askoren eskuetara iritxiko da. Guzien iritziak nai gemituzke, ta iritzi, auek idatziz bialtzea. Iritzi sakonenak ementxe argitarako ditugu. Erakutsi eonori -euskera ajoladunei batez ere-ta jakin-gizonak badira eskatu iritzi.

~ ~ ~

Lerro auetatik aipatu ta onoretu nai genituzke ezagun ta asmokide ditugun zenbait emakume aupagarri. Aipatu besterik ez ditugu egin, ezpaitakigu beren lanen berri, zeatz beintzat. Gauz bat adierazi nai nieke: atsegiñez artuko genituzkela beren lanbideen berriak. Ia urrienerako bidaltzen dizkiuten.

Bat Zipitri emakumea duzue. "Ira" sasi-izenez ezaguna da. Emakume bizkor ta eragikorra. Ari dituan zenbait lanen berri badakigu, baño naiago dugu berak azaltzea. Eztu lotsik izango!

Bestea, "Cargi" ko neska jatorra. Onelako neskatik asko bear genituzke Euskalerrian egun! Lan ixilla ta ondoriotsua ari duana badakigu! Ausi beza bein bate-agatik apaltasun-muga ori, ta bere ekitearen berri azaldu emen. Bejondaiola mari Cruz Franco zabalegi'ri!

Beste zenbait txit aupagarri ere ezagutu genitun Euskaltzaleen Biltzar artan. Besteetan artean Gazteiz'ko neska gazte batzuk. Euskera-ikasleak ta euskera-irakasle! Bejondaiela!

"Ekin ta Yarra" emakumeok!

~ ~ ~

Askotan uste baño egiago egin genezake! Biltzar ortantxe jakin genun Valencia'n dagon apaiz agurgarri euskaldun batek Aramayona'ra oporraldiak igarotzera yonan ta bertan egin zuana:

Artu umetxoak berekin ta kristau-ikasbidea euskeraz irakatsi. Alkartasunezko mezak eginarazi umetxoei bestelako jakingarriak euskeraz adierazi. Mendi-egunak, arrats-mendi-ibilkerak t.a... Euskal oiturak erein nunai, ta euskararen alde lan ederra burutu. Nork eztaki errialde oietan gure euskera pikuetara dijoana?

Zenbat eta zenbat apaizek eta apaizaiak ere egin lezaketen olako zerbait!... Ikasi dezagun!

~ ~ ~

~ ~ ~

Arantzazu'go urte Santu ontarako gertuak zeuden zenbait sarikataen berri eman dezagun:

Olerki-sariketa: Arantzazu'ri buruzko olerki bat. Aita Gandiaga gertatu da garaile edo "txapeldun". Ezaguna duzue olerkari aue lendik ere. Olermen zorrotz ta euskal-usaizkoa du oso. Joandan urtean ere berak irabazi zizun. Omore beroak egin dizkiote euskaltzaleek. izango aal duzu bere olermen-irakitearen arnari yoriak milixkatzeko zoria! Jarrai bekio ortan! Artu beza ere "Yakin" aldizkariareh zorionik sutsuena!

Zorion Aita Gandiaga!

Itz-lauzkoa : orain Extremadura'n dagoan euskaldun batek irabazi dizu. Lenengo-mailaren txapeldun duzu. Ez dut izenaren berri. Bigarrena Berasaluze'tar Jabin, prantzizkotarra. Ats-aundiko idazlea duzu au ere, naiz ta gazteño izan. Zorionak Sabiñ!

Sinfoni-poema sariketa : Aia Arantzazu'ri buruzkoa. Patxi Eskudero duzu garaile. Ezaguna zaizu noski "Illetak" ren egilea. Bejondaiola & Jarrai d. zaiola bide ortatik, euskla-arnasezko gai oietik!

Bigarren Duo Vital duzu. Madrid'eko duzu; emen izan genuen erai-xoraturik euskla-paraje auetan bere lanerako arnasartzen!... Bejondaiola ere!

~ ~ ~

